

А Ж Р И М
(даъво аризасини кўрмасдан қолдириш ҳақида)

Пахтаобод тумани
йил 12 июнь

2023

Избоскан туманлараро иқтисодий судининг судьяси Р.Г.Асқаров, раислигида, судья ёрдамчиси Ф.Умаровнинг котиблигида, Пахтаобод фермер, деҳқон хўжаликлари ва томорқа ер эгалари кенгаши даъвогар Собиржон муаллим фермер хўжалигининг манфаатида, жавобгар - Олтин мато групп масъулияти чекланган жамияти ҳисобидан 77 446 407 сўм асосий қарз, 37 174 275 сўм пеня ундириш тўғрисидаги даъво аризаси юзасидан қўзғатилган иқтисодий ишни, Пахтаобод фермер, деҳқон хўжаликлари ва томорқа ер эгалари кенгаши вакили Ш.Холиқов, жавобгар вакили У.Усманходжаев, ишга жалб қилинган Пахтаобод туман қишлоқ хўжалиги бўлими вакили Б.Кадиров (ишончнома асосида)лар иштирокида, Пахтаобод фермер, деҳқон хўжаликлари ва томорқа ер эгалари кенгаши биносида очик сайёр суд мажлисида кўриб чиқиб, қуйидагиларни

а н и қ л а д и:

Пахтаобод фермер, деҳқон хўжаликлари ва томорқа ер эгалари кенгаши даъвогар Собиржон муаллим фермер хўжалигининг манфаатида Избоскан туманлараро иқтисодий судига даъво ариза билан мурожаат қилиб, жавобгар - Олтин мато групп масъулияти чекланган жамияти ҳисобидан 77 446 407 сўм асосий қарз, 37 174 275 сўм пеня ундиришни сўраган.

Суд мажлисида Пахтаобод фермер, деҳқон хўжаликлари ва томорқа ер эгалари кенгаши вакили иштирок этиб, даъвогар фермер хўжалик ва жавобгар ўртасида медиатив келишув тузилганлиги, келишувга эришганлиги сабабли фермер хўжалик раҳбари суд мажлисига келмаганлигини билдириб, медиатив келишувни тасдиқлаб беришни сўради.

Суд мажлиси ўтказилиши ҳақида фермер хўжалиги хабардор қилинган, лекин фермер хўжалиги вакили суд мажлисида иштирок этмади. Шу сабабли суд, ишни Ўзбекистон Республикаси Иқтисодий процессуал Кодексининг 170-моддасига асосан, фермер хўжалик вакилининг иштирокисиз кўришни лозим топди.

Суд мажлисида жавобгар вакили иштирок этиб, даъвогар



фермер хўжалик ва жамият ўртасида медиатив келишув тузилганлигини билдириб, даъво аризани кўрмасдан қолдиришни сўради.

Ишга жалб қилинган Пахтаобод туман қишлоқ хўжалиги бўлими вакили суд мажлисида иштирок этиб, тақдим этилган хужжатлар асосида қонуний қарор қабул қилишни сўради.

Суд, тарафлар ўртасида медиатив келишув тузилганлиги сабабли ушбу медиатив келишувни ўрганиб чиқиб, даъво аризани кўрмасдан қолдиришни лозим топди.

Чунки, даъвогар фермер хўжалик ва жавобгар ўртасида 2023 йил 10 июнда медиатив келишуви тузилган, медиатив келишувда жавобгар жамият томонидан даъвогар фермер хўжалигининг ҳисоб рақамига мавжуд қарздорликни ўн кун давомида ўтказиб беришга келишилган.

Мазкур медиатив келишув профессионал медиатор томонидан тузилган.

Ўзбекистон Республикаси Медиация тўғрисидаги Қонунининг 7-моддаси кўра, медиация тарафларнинг медиацияни қўллаш тўғрисидаги келишувда ифодаланган ўзаро ихтиёрий хоҳиш-истаги бўлган тақдирда қўлланилади.

Ушбу Қонуннинг 12-моддасига асосан, медиаторнинг фаолияти профессионал ёки непрофессионал асосда амалга оширилиши мумкин.

ИПКнинг 130-моддасига биноан, суд тарафларнинг келишуви учун чоралар кўради, уларга иқтисодий суд ишларини юритишнинг барча босқичларида низони ҳал этишга кўмаклашади.

ИПКнинг 131-моддасига мувофиқ, тарафлар низони келишув битимини ёки медиатив келишувни тузиб ҳал этиши мумкин. Келишув битими ёки медиатив келишув даъво тартибидаги ҳар қандай иш бўйича тузилиши мумкин.

ИПКнинг 107-моддаси биринчи қисмининг 5³-бандига биноан, тарафлар ўртасида медиация келишув тузилган бўлса, суд даъво аризасини кўрмасдан қолдиради.

ИПКнинг 109-моддасига асосан, даъво аризасини кўрмасдан қолдириш учун асос бўлиб хизмат қилган ҳолатлар бартараф этилганидан кейин даъвогар судга даъво аризаси билан умумий тартибда янгидан мурожаат қилишга ҳақли.

Қайд этилганларга кўра суд, тарафлар ўртасида медиация келишуви тузилганлиги сабабли даъво аризасини кўрмасдан қолдиришни лозим топди.

Суд, давлат божини ундириш масаласини муҳокама қилган ҳолда тарафлар ўртасида медиатив келишув тузилганлиги сабабли давлат божини ундирмасликни, олдиндан тўланган 33.000 сўм почта харажати жавобгар ҳисобидан Пахтаобод фермер, деҳқон хўжаликлари ва томорқа ер эгалари кенгаши йдасига ундиришни лозим топди.



Зотан, Медиация тўғрисидаги Қонуннинг 17-моддаси 6-бандига асосан, низо медиатив келишув билан медиация тартибида ҳал қилинган тақдирда, тўланган давлат божи қайтарилиши лозим, бундан суд ҳужжатлари ва бошқа органлар ҳужжатларини ижро этиш жараёнида медиатив келишув тузилган ҳоллар мустасно.

“Давлат божи тўғрисида”ги Ўзбекистон Республикасининг Қонунини 18-моддаси биринчи қисми 9-бандига мувофиқ, агар тарафлар ўртасида медиатив келишув тузилган бўлса, ариза кўрмасдан қолдирилганда давлат божи тўлиқ ёки қисман қайтарилиши керак.

Бинобарин суд, Ўзбекистон Республикаси Медиация тўғрисидаги Қонунининг 7, 12, 17-моддаларини, Давлат божи тўғрисидаги Қонунинг 18-моддасини, Иқтисодий Процессуал Кодексининг 107, 109, 130, 131, 195-196-моддаларини қўллаб,

а ж р и м қ и л а д и:

Избоскан туманлараро иқтисодий судининг 4-1704-2301/1939-сонли иш бўйича тақдим этилган медиация келишуви иш юритувига қабул қилинсин.

Избоскан туманлараро иқтисодий судининг 4-1704-2301/1939-сонли иши бўйича тарафлар медиатив келишувига эришилганлиги инобатга олинсин.

Избоскан туманлараро иқтисодий судининг 4-1704-2301/1939-сонли иши бўйича даъво аризаси кўрмасдан қолдирилсин.

Олтин мато групп масъулияти чекланган жамияти ҳисобидан;

Пахтаобод фермер, деҳқон хўжаликлари ва томорқа ер эгалари кенгаши фойдасига 33.000 сўм почта харажати ундирилсин.

Даъво аризасини кўрмасдан қолдириш учун асос бўлиб хизмат қилган ҳолатлар бартараф этилганидан кейин даъвогар судга даъво аризаси билан умумий тартибда янгидан мурожаат қилишга ҳақли.

Ажрим ишда иштирок этувчи шахсларга юборилсин.

Мазкур ажрим устидан қонунчиликда белгиланган тартибда апелляция тартибида Избоскан туманлараро иқтисодий суди орқали Андижон вилоят судига шикоят бериши мумкин.

**Судья
Р.Г.Асқаров**

